

ACUERDO DI PRINCIPIO A SER FIRMA ENTRE E PARTIDONAN MIEP, ADN Y PPA

ORANJESTAD (AAN)- Exactamente manera cu DIARIO a informa su lectoran Dialuna 9 di Januari cu e proximo gobierno lo ser forma door di e partido mayoritario M.E.P.-A.D.N.-P.P.A. y cu A.V.P. y P.P.N. lo bay oposicion cu un total di 9 asiento. Ayera e informe aki a keda confirma ora cu e tres partidonan aki a firma

un acuerdo di principio pa forma coalicion.

Den un combersacion cu Secretario General di M.E.P. y alavez vocero Sr. Freddy Refunjol, el a duna di conoce, despues cu Informador Nelson Oduber a analiza e contestanan di tur e partidonan politico a bira obvio cu M.E.P. lo bay forma un coalicion cu

partido A.D.N. y P.P.A..

Ariba e pregunta, pakico a escohe P.P.A. ariba P.P.N., Sr. Refunjol a duna di conoce, cu M.E.P. a opta pa traha cu P.P.A., pasobra P.P.N. a forma parti te na ultimo di e gobernacion cu nos a critica fuertemente y consecuentemente e gobierno no a haya un mandato pa sigui.

Pakico M.E.P. a exclui A.V.P. for di coalicion ?, Freddy a bisa, "A.V.P. a declara promer cu eleccion cu nan no ta traha cu M.E.P. y alavez a declara despues di eleccion cu e ta bay oposicion.

Alavez tin dos punto principal pakico nos no ta considera A.V.P. un partner pa coalicion, segun secretario general di

M.E.P. Freddy Refunjol. Nos a compronde cu A.V.P. a pone cierto condicionnan pa su participacion den gobierno.

Pa nos ta incomprendible con un partido ta declara promer cu eleccion cu e no kier traha cu M.E.P. y despues di eleccion cu e ta bay oposicion y den

Sigui lesa pag.14